

中國方志叢書·華北地方·第三〇九號

據

清·朱廷模修孫星衍纂  
清·乾隆五十年抄本

影印

陝西 省

# 三水縣志



成文出版社有限公司印行



\*10098736\*

中華民國五十九年 月壹一版

# 三水縣志

全一冊

發行人：**黃成助**

出版者：**成文出版社有限公司**

台北郵政信箱二二六〇五號  
台北市羅斯福路三段279之二號  
電話：三七〇一三二號

印刷者：**東南印製廠有限公司**  
和平西路二段70巷83弄29號

內政部登記證內版台業字第一一四七號

## 三水縣志序

兵部郎兼都察院右副都御史巡撫陝西西安等處地方兼理軍務兼理糧餉銜銜畢沅撰  
志之体例出于括地志元和郡縣志太平寰宇記長安志外此  
宋元人著作地里亦可觀也世稱武功志及朝邑志然朝邑大  
縣嫌其篇幅太窘武功志以蘇若蘭文為首卷亦非方志之体  
縣志之善必求諸唐宋人手三水縣稍僻羌無故實舊志疏畧  
尤甚知縣葛君到官以來政平民和百廢具舉因言其地縉紳  
耆老好尚文雅念

聖朝厚澤深仁重熙累洽自一縣官師制度法良意美及孝悌  
節烈撥科中策之士蒸蒸日上異而日新不可無紀載以表當  
時而示來世適有陽湖孫明經所學該博負一時盛望因屬撰  
成之子覽其文實能考書傳之故事刪舊文之猥冗其以藝文

分隸各部及刺取書傳必載所出皆宋元人方志之法異乎流俗之為之也藝文則載其有用政事者餘概從削又獲于予心故為序而行之志凡十卷十四部縣譜一故城二國城鄉鎮亭堡砦三山屬四水屬五城署閔橋功古址六壇廟寺觀墓七職官八地丁錢糧九兵防十名人十一列女十二科貢十三封贈壽民附圖序十四孫君著述之簡而有法如此恐有議其漏者予為道其体例云

### 新修三水縣志序

王阮亭云近世志書能文簡事核訓詞爾雅無如康對山之武功志其他若呂涇野志高陵等十餘種猶有黃圖決錄之遺焉而時人又謂史志務在簡核方志務在詳核一事不舉將有挂漏之弊其說若兩岐而余謂志猶史也史固隨時而變例志亦

因地以制宜若宋子京之修唐書事增於前辭者於舊識者皆  
之余謁選初得蓋屋奉檄供儲時調署武功嗣以鑄級循例復  
職

奏留歲事軍需代教水壽尋補沔縣赴

闕得蒙

恩允旋於太華道中適奉內諱茲復重來厯署安定高陵及承  
乏三水所至之邑往往稽其形勢典章察其民生土俗流覽往  
志之文辭究無逾於武功高陵之右者洵乎前賢之論不誣矣  
三水古幽也又以泃水得名按說文引尔雅曰西為泃國謂四  
極入西極之水也邑誠僻壤矣然而公刘邨伯之所安集鄧禹  
馮異之所規圖即產斯土者第五倫第五琦文彦博之流風遺  
韻猶存也志修于康熙丁巳舉行者邑令瀛海林公逢泰編纂

者邑人司李文君倬天頗斐然可觀迄今逾百載矣我  
三刀其六戶  
朝重熙累洽已徵比戶可封

皇上教養涵濡北庭以北西濛以西咸隸版圖澤洋恩溥羣生  
靡不得所况近在開輔者乎近奉大中丞畢公檄重修此志且  
城池衙署書院廟宇橋梁之繕葺剏建地糧之減戶口之增驛  
站課程之裁解鹽茶法更定職官科目德行執文之宜續補者  
進邑之紳士考訂而增益之曩時之闕如者燦然大備其于考  
古似較康呂兩公精核焉蓋遵史傳之法不失簡核之規他日  
者得周漢唐宋之人材以仰承

聖天子久道化成之治非叨庇開府公升猷永世之休為茲邑  
增輝且將以是志就正博雅君子也乾隆五十年歲次乙巳正  
月上元日山右葛德新書

三水縣志目錄

卷一

縣譜一

故城二

鄉鎮亭堡砦三

卷二

山屬四

水屬五

卷三

城署關橋坊古陞六

卷四

壇廟寺觀墓七

三水縣志目錄

卷五

職官八

卷六

地丁錢糧九

卷七

兵防十

卷八

名人十一

卷九

列女十二

卷十

科貢十三

卷十一

圖序十四

卷十一圖序十四

7

三水縣志目錄

四

三水縣志目錄

三水縣志卷一

知縣朱廷模主修

陽湖孫星衍撰

縣譜一

三水縣後魏置二漢曰枸邑屬右扶風疑亦高平爰得二縣地

証見故城章

魏晉以來不著枸邑者即汾邑後魏置三水縣取漢縣

名屬新平郡西魏置恒州尋廢隋屬北地郡開皇三年郡廢以

縣屬豳州唐因之為緊縣天寶元年改州為郡屬新平郡先屬

邠州為上縣金同元至元七年省縣入淳化明成化十三年九

月復析淳化置三水屬邠州為僻簡下縣

國朝因之為簡縣屬直隸邠州今考史傳所紀具于左又漢有

三水縣其治在今甘肅涇州非此也魏收李吉甫樂史俱以為

即後魏三水者誤今亦具于左而加證焉

班固地理志右扶風縣有栒邑

李善注文選引此云右扶風栒邑栒與郿同又作備

又安定郡縣有三水屬國都尉治莽曰廣延亭

元和郡縣志三水縣本漢舊縣以縣界有羅川谷三泉並流故以為名

太平寰宇記云云同

星衍按漢三水縣治在今甘肅涇州是唐宋良原縣故元和郡縣志云良原縣本漢三水縣地屬安定郡今安定縣界三水故城是也今三水縣實漢栒邑縣自後魏取漢三水縣名移治于此耳魏收李吉甫樂史即以為漢縣非

又按舊志云漢景帝二年循郿侯之封置郿邑又云永光元年改置三水縣不知所出

右漢

司馬彪郡國志右扶風城有郿邑

又安定郡城有三水

魏收地形志三水二漢屬安定

星衍按魏時三水移治實漢枸邑而收所云當以循漢舊名故耳

### 右後漢

元和郡縣志魏改三水縣為西川縣亦屬安定

太平寰宇記云云同

星衍按此亦漢三水改名西川其漢枸邑之是今三水者無其以李吉甫樂史載在三水下今亦採焉枸邑縣自魏以來書傳不著晉書地理志新平郡有汾邑疑即枸改名也

### 右魏

晉書地理志新平郡有汾邑

二方異一

二

魏收地形志三水晉罷

星衍按太平寰宇記云邠邑原上有柏邑故城則即晉汾邑也

右晉

魏收地形志新平郡領縣有三水云二漢屬安定晉罷後復屬  
元和郡縣志後魏今縣理西二十八里重置三水縣取漢舊名  
屬新平

太平寰宇記後魏初于今縣西二十八里置三水縣復漢舊名  
屬新平郡

又大統十四年移縣于今邠州東三里新平故郡白馬堡

星衍按魏收亦以魏三水為即漢縣亦誤李吉甫樂史言是

右魏

隋書地理志三水西魏置恒州尋廢

右西魏

隋書地理志北地郡統縣有三水

元和郡縣志隋開皇三年以縣屬幽州

太平寰宇記隋開皇三年移理于幽州西北十五里城大業元年自故郡城移于今理

又北地郡義寧元年領三水二年以三水屬新平郡

右隋

劉昫唐書地理志邠州領縣有三水隋縣

元和郡縣志邠州管縣有三水緊

新唐書地理志邠州縣有三水緊

元和郡縣志開皇三年以縣屬幽州皇朝因之

太平寰宇記唐武德元年以新平郡為幽州三水縣屬焉

又元和二年移縣於隴堡下舊城初大歷中吐蕃焚縣城又移堡上人民不便為幽歸郭釗所請復移下之

右唐

太平寰宇記邠州元領縣有三水縣

文獻通考邠州三水後魏縣

宋史地理志邠州縣有三水上

右宋

金史地理志邠州縣有三水

右金

元史地理志淳化云至元七年省三水入本縣

王圻續文獻通考淳化云元至元中併三水入縣

右元

續文獻通考邠州三水本淳化縣地本朝成化四字今本刊誤作宋淳化十

四年析置

明史地理志邠州三水云州東北成化十三年九月析淳化縣置

明圖經三水裁僻簡下

此圖今見影寫本刊本不存

右明

故城二

三水縣自漢以來凡五移治皆見地理書有故城漢栒邑其漢  
三水域則在甘肅涇州西南舊志以為盧芳所居是誤以漢三  
水為在此也邠州志云三水有高平里有原得里高平爰得是  
漢縣名屬安定其今里名同疑即漢二縣故城所在魏收地形

三水縣志卷二

口